

SAMÞYKKT

fyrir Vatnsveitufélag Kleppjárnsreykjahverfis í Reykholtisdalshreppi.

1. gr.

Félagið heitir Vatnsveitufélag Kleppjárnsreykjahverfis.

Heimili þess og varnarþing er í Reykholtisdalshreppi í Borgarfjarðarsýslu.

2. gr.

Markmið félagsins er að sjá býlum, íbúðarhúsum og stofnunum á félagssvæðinu fyrir vatni.

3. gr.

Stofnendur félagsins eru eigendur býlanna Bergs, Bjarkar, Dalbæjar, Skrúðs, Sólbyrgis, Samtúns og Snældubeinsstaða, enn fremur Kleppjárnsreykjaskóli, ásamt íbúðum kennara og starfsfólks, læknisbústaður og þvottahús Reykholtisdalshrepps.

Hver stofnandi greiðir tvö þúsund krónur sem stofngjald nema Kleppjárnsreykjaskóli, sem greiðir sautján þúsund krónur, og eigandi Snældubeinsstaða, sem greiðir eitt þúsund krónur. Miðað er við, að garðyrkjustöðvar á félagssvæðinu noti vatnið ekki nema að litlu leyti til vökvunar, nema með samþykki félagsstjórnar.

4. gr.

Ábúendur nýrra býla á félagssvæðinu má taka í félagið með samþykki lögsmæts aðalfundar. Nýr félagsmaður greiðir tvö þúsund krónur sem stofngjald. Þó getur aðalfundur ákveðið aðra upphæð, ef sérstakar ástæður eru fyrir hendi. Nýr félagsmaður verður að kosta allar framkvæmdir, sem gera verður sérstaklega, til að hann geti notað mannvirki félagsins.

5. gr.

Vatnsskatt skal innheimta árlega. Skal félagsstjórn ákveða upphæð hans þannig fyrir hvert reikningsár, að nægi til greiðslu vaxta, afborgana og viðhalds. Vatnsskattur greiðist í hlutfalli við stofngjald hvers aðila. Vatnsskatt má taka lögtaki, ef ekki er staðið í skilum.

Eignir félagsins standa til fullnægingar skuldbindingum þess. Enginn félagsmaður ber ábyrgð á skuldbindingum félagsins umfram þau gjöld, sem honum er gert að greiða samkvæmt ákvæðum þessarar samþykktar.

6. gr.

Félagsstjórn er skylt að boða til fundar, ef þrjú félagar eða tveir stjórnarmenn krefjast þess, enda greini þeir tilefni kröfunnar.

7. gr.

Félagsfundur er lögmaður, ef helmingur félagsmanna sækir hann, enda hafi verið löglega til hans boðað. Fundur er löglega boðaður, ef hverjum félagsmanni er tilkynnt fundarboðið bréflega eða persónulega með fimm daga fyrirvara. Á félagsfundum hafa allir félagsmenn jafnan rétt og ræður afl atkvæða úrslitum.

8. gr.

Aðalfundur félagsins skal haldinn eigi síðar en 1. apríl ár hvert. Til hans skal boða með viku fyrirvara, bréflega eða persónulega. Aðalfundur er lögmaður ef $\frac{3}{4}$ félagsmanna sækja hann. Hafi þrisvar sinnum verið boðað til aðalfundar vegna ónógrar fundarsóknar telst þriðji fundurinn löglegur, hver sem fundarsókn er.

Á aðalfundi skulu teknar ákvarðanir um starfsemi félagsins á árinu, lagðir fram endurskoðaðir reikningar þess og kosnir þrír menn í stjórn félagsins og tveir endurskoðendur til eins árs í senn. Liggi önnur mál fyrir aðalfundi en venjuleg aðalfundarstörf, skal þess getið í fundarboði.

9. gr.

Stjórn félagsins skiptir með sér verkum.

Störf stjórnar og endurskoðenda skulu ólaunuð. Formaður kveður stjórnina saman til fundar og boðar félagsfundi og aðalfundi. Stjórnarfundir eru því aðeins lögmætir, að allir stjórnarmenn séu mættir. Færa skal gerðabók stjórnarfunda og skal ritari stjórnarinnar lesa fundargerð í lok hvers fundar og undirrita hana, ásamt formanni, þegar hún hefur verið samþykkt.

10. gr.

Stjórn félagsins hefur umsjón með vatnsveitunni, annast reikningshald hennar og innheimtu á gjöldum til félagsins. Hún sér um viðgerðir og viðhald á vatnsveitunni.

Viðhald heimæða og umbúnað í húsum annast félagsmenn hver hjá sér.

11. gr.

Samþykkt þessari má ekki breyta, nema á aðalfundi, enda hafi breytinganna verið getið í fundarboði og séu að minnsta kosti $\frac{2}{3}$ félagsmanna samþykkir þeim.

Samþykkt þessi, sem samin er og samþykkt af Vatnsveitufélagi Kleppjárnsreykja-hverfis í Reykholtisdalshreppi, staðfestist hér með samkvæmt vatnalögum nr. 15 20. júní 1923 til þess að öðlast gildi þegar í stað og birtist til eftirbreytni öllum þeim, sem hlut eiga að máli.

Félagsmálaráðuneytið, 11. janúar 1963.

Emil Jónsson.

Hallgrímur Dalberg.

FUNDARSKÖP

fyrir bæjarstjórn Hafnarfjarðarkaupstaðar.

1. gr.

Bæjarstjórn Hafnarfjarðar er skipuð 9 kjörnum bæjarfulltrúum. Þeir ræða og gera ályktanir um bæjarmálefni á bæjarstjórnarfundum.

„Fundarmenn“ tekur í fundarsköpum þessum til bæjarfulltrúa og bæjarstjóra.

2. gr.

Á fyrsta fundi bæjarstjórnar að afstöðum bæjarstjórnarkosningum, kýs bæjarstjórn forseta og varaforseta úr hópi bæjarfulltrúa. Gildir kjör þeirra þar til næsta kjör forseta hefur farið fram, en það skal jafnan framkvæma á fyrsta fundi bæjarstjórnar í júnímánuði ár hvert.

Aldursforseti bæjarstjórnar gegnir forsetastörfum á fyrsta fundi nýkjörinnar bæjarstjórnar, unz kjör forseta hefur farið fram.

Sá er rétt kjörinn forseti eða varaforseti, sem fengið hefur atkvæði meira en